



Cumün da Valsot

Poz 86 • CH-7556 Ramosch
Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Affischa

Suprastanza cumünala dals 24.03.2021

Presidi: Peer-Puorger Victor

Partecipant/s: Riatsch-Fedi Fadri
Cantieni-Lanfranchi Andri
Caviezel-Domenig Ursina
Kirchen-Werro Armon
Nef-Wüest Flurin
Rauch Poo Gianna

S-chüsà:

Protocol: Oswald Gian Claudio

Fabrica: Paulmichl-Rodigari Albin

Giast/s:

	tractandas	tema	responsabel
	2100	Scoula	
		Scoula Valsot in avegnir / strategia lös da scoula	
1		- Visita oculara illa chasa da scoula a Strada - Discussiun dal gremi, tscherna da varianta	vp/ak/fr
	0120	Executiva	
2		Varia (suprastanza cumünala)	

2100 Scoula

54 Scoula Valsot in avegnir / strategia lös da scoula

- Visita oculara illa chasa da scoula a Strada
- Discussiun dal gremi, tscherna da varianta

Davo cha la grupp da lavur chi d'eira gnüda fuormada in connex cullas lavurs d'evaluaziun da variantas pel avegnir da la scoula Valsot ha d'ürant l'on 2020 prestà grondius lavur, es gnü tscherchè ün termin cumünaivel culla suprastanza cumünala. Pro quist'ocasiun d'eira previs da's pudair far sül lö ün purtret da la situaziun e da discussiunar las diversas opziuns chi sun gnüdas examinadas.

Armon Kirchen da il bivgnaint als preschaints e salüda a la visita oculara. Sco supstant dal dicasteri scoula ha el as partecipà vi da las lavurs preparatoricas. El spordscha üna survista da l'andamaint in chosa e da ün'invista illas ponderaziuns chi sun gnüdas fattas d'ürant las lavurs. Fadri Riatsch agiundscha, cha sül aspet d'ün eventual augmaint da la qualità d'instrucziun, es gnü miss bler pais. Eir resguardada es gnüda la qualità pellas personas d'instrucziuns. Sper las sfidas dal spostamaint da las activitats da scoula da Ramosch a Strada, sun eir gnüdas fattas otras ponderaziuns. Quai pertocca la logistica cul transport d'uffants, sco eir il bsögn d'ün augmaint remarchabel da plazzas da parcar pellas personas d'instrucziun e dal manaschi da scoula. Eir fluids illas ponderaziuns sun bsögns dad eventuels depots per urdegns da cultivaziun e spazi per maschinas. I's po insomma imaginar, cun che sfida complexa chi's es confruntà. La mainascoula, Gianna Rauch Poo, manzuna cha las masüras elavuradas fuorman ideas ed impuls pel intent, chi bsögna però in blers lös amo valütaziuns da perits. I nu sun per exaimpal amo gnüdas fattas calculaziuns e valütaziuns da la statica, quai chi fuorma garanti üna premissa fundamentala. Tenor Fadri Riatsch es eir da's dumandar, schi da amo plü locals chi stuvesan gnir integrats il concept pella chasa da scoula. Ün exaimpel es sgüra la biblioteca, chi's rechatta illa chasa da scoula a Ramosch. In mincha cas ha da gnir elavurada üna proposta bain ponderada chi cumpiglia tuot ils aspets necessaris per ün andamaint da scoula optimal, e quai pels scolars da tuot las etats sco eir pellas persona d'instrucziun e'l manaschi da scoula.

D'ürant il gir intuorn l'edifizi sco eir illa stanzas d'instrucziun e las ulteriuras stanzas, sun gnüdas spiegadas las variantas tenor il documaint cha l'atelier pella planisaziun da spazi per imprendier (Atelier für Lernraumplanung) ha elavurà. Quai as tratta da masüras per ün ingrandimaint da l'edifizi existent, mo eir ideas per ün annex, respectivmaing ün edificizi separà. Ün punct fich important illas ponderaziuns fattas, han fuormà las ponderaziuns in connex culs trais ciclus da svilup. Ün da quels fuorma la scouline insembel culla prüma e segunda classa, il prossem fuorman la terza fin sesavla classa, e l'ultim ciclus da scoula fuorma il s-chalin ot. Quist vala da tgnair in ögl, e scha be pussibel resguardar illa planisaziun e realisaziun da l'intent. Quai chi pertocca l'edifizi existent es gnü constatà, cha a realisar masüras d'ingrandimaint as rischa da redüer la qualità quai chi pertocca las pussibilitats pels uffants, mo eir l'ingluminaziun natürala dals locals.

Davo il gir sül areal da la scoula as chattan ils preschaints darcheu in üna stanza da scoula per discussiunar lur ideas e las cugnuschentschas acquistadas sül gir. A quista discussiun fan part tuot ils preschaints, eir schi's tratta d'üna lezcha dal gremi as voul trar a nüz tuot il savoir acquistà d'ürant las lavurs da l'on 2020. Il capo es da l'avis cha cullas infuormaziuns chi sun avantman ed in basa a quai chi'd es gnü discussiunà e constatà nun es la suprastanza in quist mumaint illa situaziun da pudair decider che proget chi fa sen da realisar. Our da quel motiv propuona el da trar las decisiuns da princip necessarias per proseguir cullas lavurs. Il manader tecnic manzuna seis dubis in connex cul plan da temp. La progettaziun d'ün simil intent infra 5 mais, e quai da maniera conscienziusa e detagliada, nun es realistic. Per pudair restar sül cuors eir quai chi pertocca üna realisaziun da las masüra da fabrica d'ürant il 2022 füss quai üna premissa. Otramaing nun es

pussibel da laschar approvar l'intent tras la radunanza d'urant il 2021. Our da quist aspet es da trar eir in quist connex üna decisiun da princip e da spostar tuot l'intent per ün on. Be uschè es garanti cha tuot ils pass da la progettaziun pon gnir ponderats minuziusamaing. Ils preschaints van daperüna culla proposta chi ha da gnir in ün prüm pass trattas decisiuns da princip.

Correspondentamaing decida la suprastanza il seguint:

- d'urant las lavurs da planisaziun e progettaziun es da resguardar il princip dals ciclus da svilup da las differentas etats
- per proseguir cullas lavurs ha da gnir missa insembel üna cumischiun da fabrica a la quala fan garanti part il manader tecnic ed il suprastant dal dicasteri fabrica
- in connex culla revisiun da la planisaziun han da gnir repassats ils adattamaints da la zona intuorn l'areal da scoula chi d'eiran previs (laschar ZIP)
- id ha da gnir elavurà ün projet complessiv per til preschantar a la populaziun, quai però cull'opziun cha la realisziun po gnir etappada tenor bsögn e situaziun

0120 Executiva

55 Varia (suprastanza cumünala)

Da la tractanda nu vegn fat adöver.

7556 Ramosch, 30.03.2021



Il capo:

Il manader administraziun:

[Handwritten signature in blue ink]

[Handwritten signature in blue ink]